



قبل الثورة كل استخداماتنا اللي احنا نعرفها عن البصل: استخدامه في الأكل. لكن أثناء التمنتاشر يوم أكتشفنا إن البصل ده له قيمة عظيمة.

كانت الشباب تخش على صفحات الفيس وسمعه في ثورة تونس... كانت قبل ثورة مصر... الشباب التونسي قالك: «لما اتضرب عليكم غاز أبقي حطوا إيه... شمووا بصل». فلما اتضرب الغاز الناس اللي بتمشي في الشارع بيحبوا من أي عربية وقفة بصل.

لحد كمان بقى في حاجة ظريفة الناس اللي في البيوت، الستات اللي كانوا عايزين يشاركوا... دور المرأة برضه... عايزة تشارك فطبعاً مش قادرة تنزل في الغاز فكانوا بيفتحوا كده شبك البلكونة ويقوموا حدفين منه البصل. والبصل اتوزع على الناس لحد ما الشباب عرف بقى أن البصل ده بقى شيء أساسي، هاتوا معاك في الشنطة عشان لا قدر الله لو حصل غاز اتضرب أو حاجة أبقي شوية بصل كده وشم.

الشعب المصري حتى لو كان معترض عالموجودين في الميدان ساعدهم، ساعدهم لما اتضرب عليهم غاز أبدا يحدفلهم بصل وساعدهم. كده إنت بتشارك مع الناس في الثورة، حتى اللي قاعد في البيوت بيشترك في الثورة.